

ქ. თბილისი

17/05/2016 წელი

შპს „სტუდია ვებჯორჯია“, შემდგომში „შემსრულებელი“, რომლის სახელითაც მოქმედებს წინამდებარე ხელშეკრულების 7.1. პუნქტში მითითებული პირი, ერთის მხრივ, და მეორეს მხრივ სსიპ-ბათუმის ხელოვნების სასწავლო უნივერსიტეტი, შემდგომში „დამკვეთი“ (რიგ შემთხვევაში მოხსენიებული იქნება, როგორც პარტნიორი), ვდებთ წინამდებარე ხელშეკრულებას შემდეგზე:

1. ხელშეკრულების საგანი

ხელშეკრულების საგანს წარმოადგენს მომსახურება საინფორმაციო ტექნოლოგიების სფეროში (CPU 7222300) კერძოდ სამენოვანი საიტისათვის (webgeorgia.ge) ინფორმაციის მომზადება და განთავსება.

სამენოვან საიტზე webgeorgia.ge დამკვეთს VIP პაკეტით სარგებლობის საშუალებას აძლევს, რომელიც შემდეგს მოიცავს:

1.1. დამკვეთის (პარტნიორის) ლოგო და მონაცემები (დასახელება, მისამართი, ტელეფონები, ვებ და ფეისბუქის გვერდის ლინკები, ელ-ფოსტა, ზუსტი ადგილმდებარეობის ამსახველი რუკა), და ორგანიზაციის ფილიალები (ასეთის არსებობის შემთხვევაში) webgeorgia.ge-ს ქართულ, ინგლისურ და რუსულ ვერსიებში განთავსება.

1.2. დამკვეთს სამენოვანი საპრეზენტაციო გვერდის გამოყენების საშუალება ეძლევა, რომელიც webgeorgia.ge-ს სამივე ენის ვერსიაში შეუძლია წარმოაჩინოს. ხელშეკრულების პირველად გაფორმების შემთხვევაში შემსრულებელი დამკვეთის სამენოვანი საპრეზენტაციო გვერდის ქართულ ვერსიას შეუქმნის და მას webgeorgia.ge-ს ქართულ ვერსიაში განათავსებს.

1.3. საპრეზენტაციო გვერდი მოიცავს: ინფორმაციას დამკვეთის (პარტნიორის) საქმიანობის შესახებ, სიახლეების დამატების საშუალებას, საკონტაქტო მონაცემებს და ზუსტი ადგილმდებარეობის ამსახველ რუკას, მაქსიმუმ 20 ფოტო და შეუზღუდავი რაოდენობის ვიდეო მასალას (ვიდეო ფაილები ატვირთული უნდა იყოს youtube.com-ზე).

1.4. საპრეზენტაციო გვერდზე წარმოდგენილი ნებისმიერი ინფორმაციის მართვა, ინგლისური და რუსული ვერსიების შევსება დამკვეთს (პარტნიორს) თავად შეეძლება, რისთვისაც მას საკუთარი სამართავი პანელი ექნება.

1.5. ყოველი დამატებული სიახლე webgeorgia.ge-ს ქართული ვერსიის მთავარ გვერდზე და შესაბამისი კატეგორიის გვერდის მარჯვენა მხარეს გამოჩნდება.

1.6. საპრეზენტაციო გვერდს საკუთარი მისამართი გააჩნია, რაც მის დამოუკიდებლად გამოყენების საშუალებას იძლევა.

1.7. დამკვეთისთვის (პარტნიორისთვის) როტაციის პრინციპი იმოქმედებს: რამდენიმე წუთში ერთხელ ყველა პარტნიორის ადგილმდებარეობა იცვლება და ჩამონათვალის ბოლოს მდებარე პარტნიორი ჩამონათვალის სათავეში ექცევა, რაც პარტნიორებს შორის ჯანსაღ კონკურენციას ქმნის.

1.8. ახალი და ხელმოწერილი რეგისტრირებული პარტნიორი „ახალი პარტნიორების“ სათავეში ექცევა.

2. ხელშეკრულების გაფორმების წესი და მისი ძალაში შესვლა

2.1. მხარეები თანხმდებიან, რომ ხელშეკრულება ატარებს ელექტრონულ ფორმას, რომელსაც „შემსრულებელი“ ელექტრონული ფოსტის საშუალებით უგზავნის „დამკვეთს“.

2.2. ხელშეკრულების გაგზავნისას ელექტრონულად წარმოდგენილია „შემსრულებლის“ რეკვიზიტები, ბეჭდის ანაბეჭდი და უფლებამოსილი პირის ხელმოწერის ანაბეჭდი.

2.3. „დამკვეთის“ მიერ „შემსრულებლის“ 7.1. პუნქტში აღნიშნულ საბანკო ანგარიშზე მითითებული თანხის ჩარიცხვა ადასტურებს მის თანხმობას წინამდებარე ხელშეკრულებაზე და განაპირობებს მის ძალაში შესვლას.

2.4. მხარეები თანხმდებიან, რომ ხელშეკრულების გაფორმების წესია ტარებს იგივე იურიდიულ ძალას, როგორც მხარეების მიერ ცოცხალი ხელმოწერის შემთხვევაში, და არ იწვევს წინამდებარე ხელშეკრულების სრულ ან მისი რომელიმე პუნქტის ბათილობას.

3. ხელშეკრულების მოქმედების ვადა

3.1. მომსახურების გაწევის ვადა განისაზღვრება 8 თვით; მისი გაფორმების თარიღიდან 2016 წლის 31 დეკემბრის ჩათვლით.

3.2. ხელშეკრულება ძალაშია მხარეების მიერ მისი ხელმოწერის დღიდან და მოქმედებს 2017 წლის 31 იანვრამდე.

3.3. ხელშეკრულების მოქმედების ვადის გასვლიდან 1 კვირის განმავლობაში შემსრულებელი უფლებას იტოვებს დამკვეთს მოუხსნას VIP პაკეტით მინიჭებული უპირატესობები და მისი მონაცემები „უფასო რეგისტრაციის“ სტატუსში გადაიყვანოს.

4. მხარეთა უფლება-მოვალეობები

4.1. შემსრულებელი იღებს ვალდებულებას დამკვეთის მიერ მის საბანკო ანგარიშზე მითითებული თანხის ჩარიცხვიდან 3 (სამი) სამუშაო დღის განმავლობაში webgeorgia.ge-ზე დამკვეთს ხელშეკრულების პირველი პუნქტით

კათვალისწინებული მომსახურება გაუწიოს, ხელშეკრულების მოქმედების პერიოდში იზრუნოს საიტის გამართულ მუშაობაზე და საჭიროების შემთხვევაში სამუშაო საათებში სატელეფონო კონსულტაცია გაუწიოს.

4.2. დამკვეთი იღებს ვალდებულებას მის საპრეზენტაციო გვერდზე კანონსაწინააღმდეგო ინფორმაცია არ განათავსოს და სიახლეები მხოლოდ მიზნობრივად გამოიყენოს (განმარტება: სიახლე საზოგადოებისთვის საინტერესო და მნიშვნელოვან ინფორმაციას უნდა გულისხმობდეს).

4.3. 4.2. პუნქტის დარღვევის შემთხვევაში შემსრულებელი აფრთხილებს დამკვეთს, ხოლო ამ პუნქტის განმეორებითი დარღვევის შემთხვევაში შემსრულებელი უფლებას იტოვებს დამკვეთს ინფორმაციის დამოუკიდებლად მართვის ფუნქცია შეუზღუდოს. ამის შემდეგ დამკვეთს საკუთარ საპრეზენტაციო გვერდზე ინფორმაციის გამოცვლა მხოლოდ შემსრულებლის დახმარებით შეეძლება, რისთვისაც ამ უკანასკნელს ელექტრონულ მისამართზე შესაბამისი ინფორმაცია უნდა გაუგზავნოს.

4.4. მხარეები ნაკისრი ვალდებულების შესრულებისგან დაუძლეველი ძალის – **ფორს-მაჟორის** (საბრძოლო მოქმედება, სტიქიური უბედურება, დივერსია, ხანძარი ან სხვ.) მსვლელობის პერიოდში თავისუფლდებიან.

5. მომსახურების ფასი და ანგარიშსწორების წესი

5.1. ხელშეკრულების ღირებულება შეადგენს 200 (ორას) ლარს.

5.2. ანგარიშსწორება დამკვეთის მიერ შემსრულებლის საბანკო ანგარიშზე გადარიცხვის გზით ხორციელდება.

6. დავების გადაწყვეტის წესი

6.1. მხარეთა შორის საქმიანობასთან დაკავშირებული ყველა საკითხი უნდა გადაწყდეს მოლაპარაკების გზით. მხარეთა შორის დავა გადაწყდება მოხდება მომქმედი კანონმდებლობის შესაბამისად საერთო სასამართლოს მეშვეობით.

7. ხელშეკრულების შეწყვეტის საფუძველი

7.1. მხარეთა შეთანხმება;

7.2. ერთერთი მხარის მიერ ხელშეკრულებით ნაკისრი ვალდებულების შეუსრულებლობა;

7.3. თითოეული მხარე უფლებამოსილია ცალმხრივად შეწყვიტოს ხელშეკრულება ვადაზე ადრე, რის შესახებაც ხელშეკრულების შემწყვეტმა მხარემ წერილობით, ერთი კვირით ადრე, უნდა შეატყობინოს მეორე მხარეს.

8. მხარეთარეკვიზიტები:

8.1. შემსრულებელი

დასახელება:	შპს „სტუდია ვებჯორჯია“
მისამართი:	ქ. თბილისი ვ.ფშაველას N16
ტელეფონი:	555 603306; 571 512121
ელ-ფოსტა	info@webgeorgia.ge
საიდ/კოდი	205197320
ბანკი	თიბისი ბანკი
ანგარიშის ნომერი	GE57TB73 02836020100001
დირექტორი	ვახტანგ ჯინჯიხაძე

8.2. დამკვეთი

დასახელება:	სსიპ-ბათუმის ხელოვნების სასწავლო უნივერსიტეტი
მისამართი:	ქ. ბათუმი, ლუკა ასათიანის N37
ტელეფონი:	27 98 95
ელ-ფოსტა	info@batu.edu.ge
საიდ/კოდი	245628496
ბანკი	სახელმწიფო ხაზინა
ანგარიშის ნომერი	სახელმწიფო ხაზინის ერთიანი ანგარიში
კანცლერი	გელა ბერიძე

